

D^a ROSA-ANA PRADA QUEIPO SECRETARIA DO CONCELLO DE AMES NA PROVINCIA DA CORUÑA

CERTIFICO: QUE O PLENO DESTE CONCELLO LEVOU A CABO SESIÓN EXTRAORDINARIA O DÍA 14 DE XUÑO DE 2010. DESA REUNIÓN REDACTOUSE A CORRESPONDENTE ACTA QUE É DO TEOR LITERAL SEGUINTE

ACTA DA SESIÓN EXTRAORDINARIA LEVADA A CABO POLO PLENO DO CONCELLO O DÍA 14 DE XUÑO DE 2010.-

No Salón de Sesiões da Casa do Concello de Ames, ás vinte horas e trinta minutos (20.30) do luns 14 de xuño de 2010, reúnese o Pleno do Concello en sesión extraordinaria de primeira convocatoria, baixo a presidencia do Sr. alcalde don **Carlos Antonio Fernández Castro**, e coa asistencia das/os señoras/es concelleiras/os seguintes:

Grupo municipal socialista	Grupo municipal Popular	Grupo municipal do BNG
Patricia Conde Lois Carmen Fraga Crespo M ^a Isabel González Cancela José Manuel Miñones Conde Gustavo Nieto Santiago Úrsula Seijas Seoane José Varela Abeledo Francisco Villaverde Marcos	M ^a Dolores Fernández Álvarez Ramón García Argibay Emilio Martínez Carballeira Bernardo Moar Míguez Alfonso Rey López	Olalla Alvite del Río Xosé M. Fernández López David Santomil Mosquera Vitor Vicente Díaz Mercedes Vidal Baamonde

Actúa como **secretaria** a titular da Corporación dona Rosa-Ana Prada Queipo.

Asisten a señora interventora dona **María del Carmen Castro Louzao** e o señor tesoureiro don **Santiago González Prado**.

Non asiste pero xustifica a súa ausencia o voceiro do grupo municipal popular don **Santiago Amor Barreiro**.

O señor alcalde don **Carlos Antonio Fernández Castro** saúda a todas/os as/os presentes e da comezo a sesión extraordinaria do Pleno municipal correspondente ó día 14 de xuño de 2010.

Punto Único.- Resolución de alegacións. Aprobación definitiva do orzamento municipal 2010.

Intervén a concelleira de Economía e Facenda dona **Patricia Conde Lois**, que introduce o asunto dicindo substancialmente que tras ser aprobado inicialmente o orzamento municipal 2010, no período de exposición pública se presentaron un total de catro alegacións, que foron sometidas ao ditame da intervención municipal, que emitiu un primeiro informe o 27 de maio e un segundo informe o 3 de xuño. O 4 de xuño tivo lugar unha xuntanza de voceiros coa presenza dos técnicos municipais para informar cal sería o procedemento a seguir para a resolución das alegacións. Nesa mesma semana reúnese, convocada pola Alcaldía, a Mesa Xeral de Negociación, e se chega a un acordo de estimación de determinados puntos referentes ao Fondo de Acción Social. O 10 de xuño tivo lugar a sesión extraordinaria da Comisión Informativa Permanente de Facenda, Persoal, Reforma Administrativa e Especial de Contas, na que se ditaminou favorablemente a proposta do goberno. Seguidamente a concelleira detalla a proposta do goberno e expón que a primeira alegación é de CC.OO, e na Mesa Xeral de negociación houbo un acordo no que se conclúe rectificar a partida dos orzamentos 2010 correspondente ao Fondo de Acción Social, cun aumento na partida de 64.652,72 euros, para dar cumprimento ao Regulamento do Fondo de Acción Social e aos acordos da Mesa Xeral de Negociación,

coa condición de que se reduza o gasto noutras partidas do capítulo II de gasto corrente.

A segunda alegación, tamén de CC.OO, solicitaba que se procedera a rectificar a partida de gastos de persoal para que o complemento específico da Policía Local non diminuíra en relación co que viñan percibindo. A proposta do goberno é desestimar esta alegación, xa que a Lei de Coordinación de Policías Locais que establece a reclasificación permite un incremento retributivo, pero existe liberdade para elixir, e a posición do goberno é que se diminúa o complemento específico da Policía Local para que non supoña un agravio comparativo co resto do persoal funcionario, tendo en conta a situación económica actual de crise, o que non significa, un descenso das retribucións con respecto ao ano pasado.

A terceira alegación, presentada polo Comité de empresa e sección da CIG, primeiramente alegan que non houbo ningún tipo de negociación cos representantes dos traballadores e solicitan anular as partidas dos orzamentos de 2010 referentes a produtividade e acción social. A este respecto di a concelleira que a Mesa Xeral de Negociación foi convocada dando cumprimento á lexislación, e á proposta do goberno neste caso é a estimación parcial da alegación, estimando o referente o Fondo de Acción Social, pero respecto da produtividade a día de hoxe non se chegou a un acordo, polo que a proposta é desestimar a alegación.

A cuarta e última alegación, presentada pola totalidade dos membros da Policía Local, solicitaba deixar sen efecto a minoración do complemento específico que viñan percibindo, sendo a proposta do goberno, en liña co anteriormente exposto, de desestimación.

O señor alcalde don **Carlos Antonio Fernández Castro** abre unha primeira quenda de intervencións, intervindo o voceiro do grupo municipal do BNG don **Xosé Manuel Fernández López**, que indica substancialmente que o motivo deste pleno é resolver as alegacións presentadas ao orzamento municipal 2010, e que os contidos das catro alegacións son tres: repercusión salarial da reclasificación da policía local, complemento de produtividade e partida de acción social. Di que os temas laborais teñen o seu espazo propio de debate nas mesas de negociación, e tratar de resolver no pleno o que non se resolveu na negociación non é adecuado, pois o espazo político non pode substituír ao ámbito sindical e laboral, pero que en todo caso non é o pleno a última instancia que esgote as posibilidades de recurso dos traballadores que se consideren tratados inxusta ou ilegalmente para defender os seus intereses.

Feito este posicionamento, o señor Fernández refírese ao contido das alegacións, dicindo substancialmente que respecto da alegación referida á reclasificación da policía local, efectivamente por mandato da lei 4/2007 de Coordinación da policía local de Galicia, o paso de grupo C2 a C1 implicaría automaticamente incremento no salario base, e o goberno municipal plantexa unha redución na mesma contía do complemento específico para non supoñer aumento retributivo. Di que é un tema que ten varias perspectivas e argumentos, por unha banda o traballo dos policías aumentou, co cal sería contradictorio non incrementarlles o soldo, a contía económica do complemento específico que resulta da reclasificación é certo que vai ser inferior ao que tiñan traballadores da mesma categoría antes da reclasificación, pero a policía local non vai perder poder adquisitivo en relación co que xa tiñan, en relación coas probas ás que se presentaron e á titulación que lles demandaron. Se perden poder adquisitivo tamén o perderán o resto dos traballadores municipais, e será froito dos recortes salariais do goberno central.

Di tamén que o argumento do agravio comparativo esgrimiuse dende ambas partes. É constatable que a reclasificación implica incremento automático na categoría profesional para uns traballadores que accederon a un posto de traballo cunha titulación determinada, idéntica á doutros traballadores que, sen embargo, van permanecer na categoría á que accederon. Contrariamente a isto, a policía local, polas súas condicións específicas de

traballo, xa tiña un complemento específico superior ao doutros traballadores da mesma categoría.

No relativo ao tema do Fondo de Acción Social, as dúas alegacións presentadas reclamaban o mesmo: incrementar esta partida dando cumprimento aos acordos da Mesa Xeral de Negociación de 28 de marzo e de 11 de abril de 2008. Di que o importante é que ao final o goberno municipal aceptou dar satisfacción ás demandas sindicais, sendo fundamental para o BNG que se cumpran os acordos da Mesa Xeral de Negociación.

Remata a súa intervención aludindo á alegación de incrementar a partida de produtividade, que o considera o conto de nunca acabar, pois ano tras ano volve o mesmo tema ao pleno. Di como premisa que ao grupo municipal do BNG o concepto de produtividade non lle satisfai porque pode dar lugar a discrecionalidade, preferindo que esa masa salarial se incorpore a outros conceptos, pero que xa que hai que posicionarse, este complemento está recollido na RPT. Que no orzamento do 2008 a partida correspondente non se chegou a distribuír, o mesmo que no orzamento prorrogado do 2009. Neste orzamento do 2010 hai unha partida de produtividade e outra que se refire a incentivos ao rendemento, e no pleno de 27 de marzo de 2008 se aprobou por unanimidade unha alegación que instaba á negociación na Mesa Xeral de Negociación dos conceptos de Fondo de Acción Social e Produtividade dos anos 2007 e 2008, que lles ten escoitado dicir aos representantes do goberno municipal que o tema da distribución da produtividade estaba pendente dun informe encargado á universidade, pero en xuño de 2010 aínda está sen resolver.

Intervén o concelleiro do grupo municipal popular don **Ramón García Argibay**, que substancialmente di que unha vez mais toca falar de orzamentos e unha vez mais o goberno municipal agarda ao último instante para tomar certas decisións. En canto ás alegacións presentadas manifesta que non vai entrar no seu contido, que se foron presentadas é porque os alegantes entenderon que o orzamento contiña erros. Que o seu grupo municipal se sorprende de novo ante a falta de xestión do goberno municipal, pois tras varios anos se continúa sen resolver o tema da produtividade, e no que atinxe á Lei de Coordinación de Policía Local de 2007, se daba un prazo de 3 anos para levala á práctica, e o goberno municipal esperou o último momento. Considera que o seu grupo non pode deixar de dicir a realidade: que a mediados de xuño de 2010 en primeiro lugar estamos sen orzamentos e en segundo lugar estes teñen os mesmos defectos dos anos 2009 e 2008 e non se solucionaron. Non se xestionou ben o tema da produtividade, nin a adaptación á Lei de Coordinación de Policía Local, nin a RPT. En canto ao tema do fondo de acción social hai un pacto acadado, e non teñen nada que dicir.

Intervén a concelleira de Economía e Facenda dona **Patricia Conde Lois**, a cal, dirixíndose ao señor García Argibay, di que lle produce gracia que diga que a mediados de xuño se está sen orzamentos cando o grupo municipal popular votou en contra no seu momento. Seguidamente a concelleira di substancialmente que cando se elaborou o orzamento municipal se convocou á Mesa Xeral de Negociación para informarlles, como é oportuno e non a última hora. Non é que o goberno municipal entendera que o incremento salarial non se debería de producir no caso da policía municipal, senón que é unha opción da propia lei, que xa expuxo os motivos do goberno para tomar a decisión.

Que o goberno ten claro que hai que solucionar o tema da produtividade, é un obxectivo a acadar, non é certo que non fixera negociacións nin chegara a acordos, hai acordos nos anos 2008 e 2009 da Mesa Xeral de Negociación sobre a dotación no orzamento. É certo que o goberno solicitou un informe á USC sobre establecemento de criterios, pero tamén dende o goberno se propuxo aos representantes dos traballadores que presentaran unha proposta e a día de hoxe non está presentada.

O señor alcalde don **Carlos Antonio Fernández Castro** abre unha segunda quenda de

intervencións, intervindo o voceiro do grupo municipal do BNG don **Xosé Manuel Fernández López** quen, dirixíndose aos membros do grupo municipal popular, dilles que pensou que ían explicar mellor o seu posicionamento e que a súa pareceulle unha intervención confusa e minimalista. Continúa dicindo substancialmente que o grupo municipal do BNG vense mollando sempre, polo que recibe os paos dun e doutro lado, se outros teñen como táctica política e por interese de partido dicir non a todo sen tentar chegar a acordos, facendo unha oposición tipo tanque, bulldozer, e populista, a responsabilidade é deles.

Dirixíndose a dona Patricia Conde e ao respecto da produtividade, manifesta que non quere volver sobre debates xa habidos, pero repetir que é un obxectivo é pospoñer a solución, sempre poñendo como coartada eses criterios pendentes de definir. Considera que dous anos foi tempo suficiente para que o goberno municipal trouxera a proposta.

Intervindo a continuación o concelleiro do grupo municipal popular don **Ramón García Argibay**, pregúntase se teñen que pedir perdón por facer oposición, por non estar de acordo co pensamento único, por pretender facer as cousas en tempo e forma, etc. Á concelleira dille que botar a culpa de non estar os orzamentos aprobados en xuño ao PP é como botarlle a culpa ao PP de todo, unha práctica habitual, un discurso que xa teñen amortizado.

Dirixíndose ao voceiro do grupo municipal do BNG di que afirmacións como oposición de tanque ou bulldozer ao mellor o que quere dicir é que o PP é contundente, que non fai oposición de perfil baixo, pode equivocarse, pero tamén acerta, como por exemplo cando criticou os orzamentos, o tempo da e quita razóns e a xente que segue a política sabe que o PP dixo no seu momento que non era posible vender doce millóns de patrimonio no orzamento do 2008 e o tempo demostrou que se venderon cero euros.

A posición do grupo municipal popular non é minimalista, tampouco é confusa porque o ten moi claro e se estiveran no goberno o problema da produtividade estaría amañado, e tamén a adaptación á Lei da policía local.

Continúa dicindo que o verdadeiro problema para todo é a situación económica xeral, e en particular deste concello. A posición do PP é moi clara: non se pode esperar a última hora, hai que planificar, xestionar, traballar día a día. Se o PP estivera no goberno tamén o problema deses orzamentos irrealistas estaría arranxado, se vai vendo a medida que van entregando as contas, é coma unha novela por entregas: conta 2007, conta 2008, van entregando as contas do exercicio correspondente e se vai vendo como é a execución do orzamento: 40%, 48%, 50%... pero o gasto si o afinan.

Remata dicindo que a posición do seu grupo é moi clara, se precisan algunha aclaración mais a terán, e insiste en que hai que mollarse e non valen as cousas a medias.

O señor alcalde outorga a palabra á concelleira de Economía e Facenda dona **Patricia Conde Lois**, a cal di que a estas alturas do debate segue sen saber cal é a postura do PP sobre as alegacións. En canto ao manifestado polo señor García Argibay, que se o grupo municipal popular estivera no goberno terían acordado o tema da produtividade, di que todos os acordos laborais que se fixeron neste concello foron grazas a un alcalde socialista ou ao goberno bipartito, pois co anterior goberno do PP non houbo ningún acordo e non se podía nin falar da posibilidade de facer eleccións sindicais. O goberno municipal mollouse, levou unha proposta á comisión informativa, e curiosamente os grupos da oposición abstivéronse. O grupo municipal popular non argumentou nada, e que o que ela dixo foi que o orzamento non se aprobara non por culpa do PP, senón que o PP o imposibilitou. Remata dicindo que o PP cando non ten argumentos se soe escudar na situación económica do concello.

O señor alcalde don **Carlos Antonio Fernández Castro** intervéñ para dicir que como alcalde correspóndelle a posibilidade de facer uso da palabra. Dirixíndose ao señor García Argibay, dille que non acepta ningunha lección do PP en materia de dereitos laborais, negociacións e acordos.

Que oír falar a un representante do grupo municipal popular da produtividade lle produce noxo, pois cando o primeiro goberno verdadeiramente democrático deste concello chegou ao poder no ano 2003 atopouse con que a produtividade mal chamada e tecnicamente mal plantexada se distribuía a final de ano, e aos policía locais aos que tanto ensalza agora se lles daban aproximadamente 500.000 ptas. a final de ano para que o alcalde de turno tivese a posibilidade de aplicar tixeira se o comportamento non era o que se esperaba. O novo goberno se atopou no mes de decembro con que tiña que tomar a decisión de repetir o procedemento para que os policía locais cobrasen unha boa parte dos ingresos vía falsa produtividade, ou, de non facelo, perdíannos. Iso deu pe a un pequeno acordo de produtividade que se aplicou durante un tempo, e a un segundo acordo que os policía non deberán esquecer nunca, que aquela produtividade se lles incorporou ás percepcións básicas, o que permitiu que hoxe teñas os salarios que teñen.

A vontade do goberno é manifesta cando nos orzamentos hai unha partida para produtividade, cando o señor García Argibay dixo que dende o ano 2008 non se falou nada de produtividade mentiu, que colla as actas das Mesas de Negociación e verá como se falou dela e como o alcalde plantexou que se o goberno non era quen de propoñer unha fórmula invitaba á outra parte a facelo. Continúa dicíndolle ao señor García Argibay que sexa obxectivo, que tanto que fala da aplicación da lei, esta daba un prazo máximo de tres anos para ser aplicada, e aplicouse dentro de prazo, cunha decisión do goberno meditada, programada e ideada, non por esquecemento ou por non estar no día a día do goberno, senón porque pensaban que había que aplicala ao final dos tres anos ou antes exclusivamente se tiveran entrado policía coa nova titulación, o que tamén se explicitou nas mesas de negociación, para que non se producira a situación de que houbose novos policía cobrando dun xeito e antigos policía cobrando doutro.

En relación ao falado polo señor Fernández López di que subscribiría totalmente a súa primeira intervención, engadindo que os pros e contras hainos que sopesar, e cando se está no goberno hai que sopesar para decidir. O goberno goberna con obxectividade, e tras sopesar os pros e contras, tomou unha decisión concienzuda.

Di tamén que o señor García Argibay sempre está a falar de goberno socialista, e di o señor alcalde que son socialistas, e para ben ou para mal o teñen a honra, pero en tanto que goberno son o lexítimo goberno de todos os amienses e teñen que tomar decisións obxectivas. E para tomar esta decisión se inspiraron, entre outros, na do goberno do concello de Sanxenxo, que pertence ao PP. A continuación da lectura á sentenza que confirma a actuación do concello de Sanxenxo, que incide en que o concello non está tomando unha decisión arbitraria senón conforme a dereito. Nos pros e contras do goberno de Ames se tiveron en conta, entre outros argumentos, esta sentenza. Que non quede ningunha dúbida de que ningún policía vai gañar menos do que gañaba. É humano querer mais e teñen dereito a pedilo, igual que o goberno ten todo o dereito a aplicar a lei.

Neste momento da orde do día, o señor alcalde pide expresamente aos membros da policía local presentes entre o público que garden silencio. Se produce tamén un cambio de impresións entre o señor alcalde e o señor García Argibay no que o alcalde advirte a este último que non está no uso da palabra.

Continúa o señor alcalde dicindo que no ano 2002 a policía tiña un complemento específico de 14.317 euros, no 2007 tiña 16.000, e no 2008 21.000 euros. Quen se considere agraviado, no caso de que no pleno prospere a postura do goberno, ten abertos

os cauces legais para defenderse.

Rematadas as intervencións, tendo en conta os informes obrantes no expediente e o ditame da Comisión Informativa Permanente de Facenda, Persoal, Reforma Administrativa e Especial de Contas, na súa reunión de 10 de xuño de 2010, o pleno da corporación por maioría simple, cos votos a favor dos 9 membros do grupo municipal socialista, os votos en contra dos 5 membros presentes do grupo municipal popular e a abstención dos 5 membros do grupo municipal do BNG, adopta os seguintes acordos:

Primeiro.- Resolver as alegacións presentadas durante o prazo de exposición pública fronte ao acordo de aprobación inicial do orzamento municipal 2010 do xeito seguinte:

– 1ª alegación, de CC.OO., de 18 de maio de 2010 (registro de entrada nº10.780). Esta alegación é estimada, incrementándose a partida de acción social con 64.652,72 euros, que se detraerían das seguintes partidas:

PARTIDA	Cantidade a minorar
912.100.00	8.690,24 €
334.221.10	2.000,00 €
334.226.99	8.000,00 €
151.220.01	1.000,00 €
151.227.99	8.000,00 €
241.226.99	21.000,00 €
454.210.00	10.000,00 €
453.210.00	5.962,48 €
Total	64.652,72 €

- 2ª alegación, de CC.OO., de 18 de maio de 2010 (registro de entrada nº10.781). Esta alegación é desestimada.
- 3ª alegación, do Comité de Empresa e sección sindical da CIG de 21 de maio de 2010 (registro de entrada nº11.352). Esta alegación é estimada parcialmente, aceptándose unicamente no referido ao Fondo de Acción Social.
- 4ª alegación, dos 25 membros da Policía Local do Concello de Ames de 22 de maio 2010 (registro de entrada nº11.520). Esta alegación é desestimada.

Segundo.- Prestar aprobación definitiva ao orzamento municipal 2010, cuxo resumo por capítulos é o seguinte:

GASTOS	EXERCICIO	INGRESOS	EXERCICIO
DENOMINACIÓN	2010	DENOMINACIÓN	2010
CAPÍTULO 1	7.716.770,47 €	CAPÍTULO 1	6.850.000,00 €
CAPÍTULO 2	10.592.056,56 €	CAPÍTULO 2	2.400.000,00 €
CAPÍTULO 3	265.250,35 €	CAPÍTULO 3	6.419.561,89 €
CAPÍTULO 4	1.510.480,24 €	CAPÍTULO 4	6.631.322,22 €

		CAPÍTULO 5	7.815,00 €
GASTOS CORRENTES	20.084.557,62 €	INGRESOS CORRENTES	22.308.699,11 €
CAPÍTULO 6	8.096.752,26 €	CAPÍTULO 6	818.147,19 €
CAPÍTULO 7	166.250,00 €	CAPÍTULO 7	1.193.616,09 €
CAPÍTULO 8	3.000,00 €	CAPÍTULO 8	- €
CAPÍTULO 9	381.475,14 €	CAPÍTULO 9	4.411.572,63 €
GASTOS CAPITAL	8.647.477,40 €	INGRESOS DE CAPITAL	6.423.335,91 €
TOTAL ORZAMENTO	28.732.035,02 €	TOTAL ORZAMENTO	28.732.035,02 €

ANEXO DE PERSOAL FUNCIONARIOS

Denominación do posto de traballo	Situación	Nº de dotacións	Grupo	Nivel	C. Específico Anual
SECRETARIA XERAL	En propiedade	1	A1	30	22.276,24
INTERVENTOR	En propiedade (Actualmente en comisión servizos)	1	A1	30	22.276,24
TESOUREIRO	Vacante (Actualmente en comisión servizos)	1	A1	30	19.517,40
TÉCNICO LOCAL DE EMPREGO	Cuberta interinamente	1	A1	24	9.469,74
XEFE SERVIZO PLANEAMENTO E XESTIÓN (ARQUITECTA)	Cuberta interinamente	1	A1	24	11.414,48
ASESORÍA XURÍDICA URBANISMO	Cuberta interinamente	1	A1	24	10.034,22
TÉCNICO GRADO MEDIO (URBANISMO)	Vacante	1	A2	22	10.034,22
ARQUITECTO TÉCNICO	Ocupada persoal laboral fixo	1	A2	22	9.469,74
INFORMÁTICO	Cuberta interinamente	1	A2	22	8.906,24
RESPONSABLE DA GARDA AMBIENTAL	Cuberta interinamente	1	A2	22	8.906,24
INSPECTOR	En propiedade	1	A2	22	9.030,28
XEFE SERVIZO DE RRHH	En propiedade	1	C1	22	9.469,74
XEFE SERVIZO REXISTRO, ATENCIÓN AO PÚBLICO E	En propiedade	1	C1	22	9.469,74

INFORMACIÓN					
XEFE SERVIZO CONTABILIDADE E FISCALIZACIÓN	En propiedade	1	C1	22	10.034,22
XEFE SERVIZO CONTRATACIÓN, PLANS E SUBVENC.	En propiedade	1	C1	22	9.469,74
RESPONS. SERVIZOS ADMINISTRATIVOS URBANISMO	En propiedade	1	C1	22	9.469,74
RESPONS. BRIGADA OBRAS E SERV. BÁSICOS	En propiedade pero como Grupo C2	1	C1	20	9.469,74
OFICIAL POLICÍA	2 en propiedade e 1 vacante	3	C1	18	8.974,56
POLICÍA MUNICIPAL	En propiedade	22	C1	16	6.466,18
AUXILIAR ADMINISTRATIVO (ADMIN. XERAL)	6 en propiedade, 3 vacantes (cubertas temporalmente por persoal temporal)	9	C2	16	6.548,22
AUXILIAR ATENCIÓN AO PÚBLICO E INFORMACIÓN	Ocupada persoal laboral fixo	1	C2	16	6.548,22
AXUDANTE SERVIZOS VARIOS-AUXIL. NOTIFICADOR	Vacante (cuberta temporalmente por persoal temporal)	1	C2	16	6.548,22
AUXILIAR DE ARQUIVO	Cuberta interinamente	1	C2	16	6.548,22
AUXILIAR ADMINISTRATIVO (SERVIZOS ECONÓMICOS)	En propiedade	2	C2	16	6.548,22
AUXILIAR ADMINISTRATIVO (URBANISMO)	1 funcionario, 1 persoal laboral fixo e 1 vacante (cuberta temporalmente por persoal laboral temporal)	3	C2	16	6.548,22
AUXILIAR ADMINISTRATIVO (PROMOCIÓN ECONÓMICA)	En propiedade	1	C2	16	6.548,22
AUXILIAR ADMINISTRATIVO (BENESTAR SOCIAL)	1 laboral fixo e 2 vacantes (cubertas temporalmente por persoal temporal)	3	C2	16	6.548,22
AUXILIAR ADMINISTRATIVO (EDUCACIÓN)	Vacante (cuberta temporalmente por persoal temporal)	1	C2	16	6.548,22
AUXILIAR ADMINISTRATIVO	Vacante (cuberta temporalmente por persoal temporal)	1	C2	16	6.548,22

O (INFRAESTR., OBRAS E SERV. BÁSICOS)					
AUXILIAR ADMINISTRATIVO (MEDIO AMBIENTE)	Vacante (coberta temporalmente por persoal temporal)	1	C2	16	6.548,22
AUXILIAR ADMINISTRATIVO (CULTURA)	1 laboral fixo e 1 vacante (coberta temporalmente por persoal laboral temporal)	2	C2	16	6.548,22
AUXILIAR INSPECCIÓN URBANÍSTICA	En propiedade pero como "Grupo E" (Lei 30/84)	1	C2	16	6.548,22

PERSOAL EVENTUAL

Denominación do posto de traballo	Nº de dotacións	RETRIB. BÁSICAS	RETRIB. COMPLEM.
ADMINISTRATIV. GRUPOS POLÍTICOS	2	11.224,42	13.328,34
ADMINISTRATIV. GRUPOS POLÍTICOS	1	11.251,26	13.328,34

FUNCIONARIOS POR PROGRAMA

Denominación do posto de traballo	Nº de dotacións	Grupo	Nivel	C. ESPECÍF. INDIVIDUAL ANUAL
RESPONSABLE PROGRAMA URBANISMO (Programa: Adscrición á axencia de protección da legalidade urbanística do concello)	1	A1	24	10.034,22
TÉCNICA PREVENC. DROGODEPENDENCIAS (Programa: Prevención de drogodependencias)	1	A1	24	8.631,28
MEDIADOR SOCIAL INTERCULTURAL (Programa: Mediación social intercultural. Plan local de convivencia)	1	A1	24	9.469,74
ASESORA LEGAL (Programa: Asesoramento legal. Plan local de convivencia)	1	A1	24	9.469,74
TÉCNICA GRAO MEDIO URBANISMO (Programa: Aplicación das normas do hábitat galego)	1	A2	22	8.906,24
RESPONSABLE IMPULSO DA INFORMACIÓN XUVENIL (Programa: Impulso da información xuvenil)	1	A2	20	8.906,24
TÉCNICA EN DIETÉTICA (Programa: Ames Saudable)	1	C1	22	10.850,00

DINAMIZADORA ANIMACIÓN Á LECTURA (Programa: Animación á lectura)	1	C1	18	8.906,24
AUXILIARES ADMINISTRATIVAS (Programa: Liquidación e formación das contas do orzamento municipal exercicios 2007, 2008 e 2009)	2	C2	16	6.548,22
AUXILIAR ADMINISTRATIVA (Programa: Impulso á atención ao público e información)	1	C2	16	6.548,22
AUXILIARES ADMINISTRATIVOS (Exceso ou acumulación de tarefas)	2	C2	16	6.548,22

PERSOAL LABORAL
A) LABORAL FIXO

DENOMINACIÓN DO POSTO	Nº		RETR. BÁSICAS	RETR. COMPLEM.
163-LIMPEZA VIARIA				
PEÓN	4	En propiedade	36.437,50	35.592,24
PEÓN	3	Vacante (coberta temporalmente por persoal temporal)	26.301,64	26.694,18
165-ALUMEADO PÚBLICO				
OFICIAL ELECTRICISTA	1	En propiedade	10.402,98	10.404,80
169-OUTROS SERV.BENESTAR COMUN.				
ENCARGADO	1	En propiedade	13.041,28	13.895,70
OFICIAL	5	En propiedade	51.309,10	52.024,00
OFICIAL	2	Vacante (coberta temporalmente por persoal temporal)	20.124,24	20.809,60
PEÓN	3	Vacante (coberta temporalmente por persoal temporal)	26.705,88	26.694,18
171-PARQUES E XARDÍNS				
OFICIAL	1	En propiedade	10.591,00	10.404,80
PEÓN	2	En propiedade	17.570,44	17.796,12
172-PROTEC. MELLORA MEDIO AMBIENTE				
RESPONSABLE AULA DA NATUREZA	1	Vacante (coberta temporalmente por persoal temporal)	18.110,50	16.832,94
PEÓN DE GARDA AMBIENTAL	2	Vacante (coberta temporalmente por persoal temporal)	16.923,88	17.796,12
231-ACCIÓN SOCIAL				
ASISTENTE SOCIAL	2	En propiedade	33.637,77	31.819,56

ASISTENTE SOCIAL	1	Vacante (cuberta temporalmente por persoal temporal)	15.371,82	15.909,78
RESPONSABLE OFICINA VOLUNTARIADO	1	Vacante (cuberta temporalmente por persoal temporal)	12.043,66	13.230,28
EDUCADOR/A FAMILIAR	1	Vacante (cuberta temporalmente por persoal temporal)	15.844,32	15.346,28
ASESORÍA XURÍDICA (1/2 ano)	1	Vacante	8.742,70	8.416,47
ASESORÍA PSICOLÓXICA (1/2 ano)	1	Vacante	8.742,70	8.416,47
324-SERV. COMPLEM. EDUCACIÓN				
CONSERXE	2	En propiedade	21.068,62	18.930,84
CONSERXE	1	Vacante (cuberta temporalmente por persoal temporal)	9.351,00	9.465,42
325-REDE MUNIC.COMEDOR. ESCOL.				
SERVIZ. XERAIS COMEDOR	4	Vacante (cuberta temporalmente por persoal temporal)	27.892,17	35.050,66
PERSOAL DE COCIÑA	2	Vacante (cuberta temporalmente por persoal temporal)	14.103,23	18.734,59
326-ESC.INF.MUN. BERTAMIRÁNS				
SERVIZOS XERAIS	3	2 en propiedade, 1 vacante (cuberta temporalmente por persoal temporal)	26.744,61	26.694,18
PERSOAL COCIÑA	1	En propiedade	9.216,26	9.553,40
MESTRE/A	3	En propiedade	48.909,50	43.380,96
ASISTENTE INFANTIL	4	Vacante (cuberta temporalmente por persoal temporal)	45.944,44	43.885,76
DIRECTOR/A PEDAGÓXICA	1	En propiedade	15.988,66	17.290,04
EDUCADOR/A INFANTIL	8	7 en propiedade, 1 vacante (cuberta temporalmente por persoal temporal)	96.827,26	87.771,52
AUXILIAR ADMINISTRATIVO	1	En propiedade	9.649,50	10.968,30
327-ESC.INF.MUN. MILLADOIRO				
SERVIZOS XERAIS	4	1 en propiedade, 3 vacantes (cubertas temporalmente por persoal temporal)	34.700,38	35.592,24
PERSOAL COCIÑA	1	Vacante (cuberta temporalmente por persoal temporal)	8.783,24	9.553,40
MESTRE/A	3	En propiedade	48.428,94	43.380,96

DIRECTOR/A PEDAGÓGICA	1	Vacante (cuberta temporalmente por persoal temporal)	15.371,82	17.290,04
EDUCADOR/A INFANTIL	12	4 en propiedade, 8 vacantes (cubertas temporalmente por persoal temporal)	140.961,08	131.657,28
332-BIBLIOTECAS E ARQUIVOS				
AUXILIAR BIBLIOTECA	2	En propiedade	21.326,72	24.192,56
AXUDANTE TÉCNICO BIBLIOTECA	1	Vacante (cuberta temporalmente por persoal temporal)	15.800,58	16.474,26
ANIMADOR Á LECTURA	1	Vacante (cuberta temporalmente por persoal temporal)	11.814,90	13.892,96
334-PROMOCIÓN CULTURAL				
LIMPADOR/A 1/2 xornada	1	Vacante (cuberta temporalmente por persoal temporal)	4.419,70	3.885,10
CONSERXE	4	Vacante (cuberta temporalmente por persoal temporal)	38.408,64	40.483,04
ANIMADOR CULTURAL	2	Vacante (cuberta temporalmente por persoal temporal)	24.798,36	26.656,68
TÉCNICO DE NORMALIZACIÓN LING.	1	Vacante (cuberta temporalmente por persoal temporal)	18.396,14	16.832,94
341-PROMOC. E FOMENTO DEPORTE				
CONSERXE	1	Vacante (cuberta temporalmente por persoal temporal)	9.351,00	10.120,76
ANIMADOR DEPORTIVO	1	Vacante (cuberta temporalmente por persoal temporal)	11.492,82	13.328,34
432-ORDEAC. E PROMOC. TURÍSTICA				
TÉCNICO PROMOCIÓN TURÍSTICA	1	Vacante (cuberta temporalmente por persoal temporal)	15.550,47	15.346,28
920-ADMINISTRACIÓN XERAL				
LIMPADOR/A CONCELLO	1	En propiedade	9.404,84	7.770,08

B)LABORAL TEMPORAL

DENOMINACIÓN POSTO	Nº	TOTAL REMUNERACIÓNS
163-LIMPEZA VIARIA		
OFICIAL	1	20.807,78
OFICIAL (7 meses)	1	12.473,62

169-OUTROS SERV.BENESTAR COMUN.		
OFICIAL	1	20.431,04
231-ACCIÓN SOCIAL		
ASISTENTE SOCIAL	2	62.134,44
241-FOMENTO DO EMPREGO		
TÉCNICO ORIENTACIÓN LABORAL-A1	1	32.677,82
TÉCNICO ORIENTACIÓN LABORAL-A2	1	30.217,88
242-OBRA DOIRO EMPREGO		
PERSOAL FORMACIÓN E FUNCIONAMENTO (Aportación municipal)	6	26.407,37
324-SERV. COMPLEM. EDUCACIÓN		
CONSERXE	2	37.202,28
TÉCNICA EDUCACIÓN	1	29.184,26
325-REDE MUNIC.COMEDOR. ESCOL.		
PERSOAL DE SERVIZOS XERAIS COMEDOR (1 con xornada reducida)	9	133.544,74
PERSOAL DE COCIÑA	2	32.494,08
326-ESC.INF.MUN. BERTAMIRÁNS		
PERSOAL DE SERVIZOS XERAIS (Ata 30/06/2010 e xornada reducida)	1	6.919,13
334-PROMOCIÓN CULTURAL		
AUXILIAR ADMINISTRATIVO	1	20.115,48
PROFESORES ESCOLA MÚSICA	9	60.872,10
341-PROMOC. E FOMENTO DEPORTE		
PREPARADOR DEPORTIVO	1	23.574,60
VIXIANTE PISCINA (6 persoas . 3,5 meses)	6	32.863,32
491-SOCIEDADE DA INFORMACIÓN		
PERIODISTA REDACTOR	2	68.636,68
LOCUTOR REDACTOR	1	34.318,34
912-ÓRGANOS DE GOBERNO		
AUXILIAR ADMINISTRATIVO	1	20.366,64
920-ADMINISTRACIÓN XERAL		
AUXILIAR ADMINISTRATIVO	2	40.801,86
IMPORTE TOTAL	51	746.043,46

Terceiro.- Remitir copia do resumo por capítulos ao BOP para a súa entrada en vigor.

Cuarto.- Remitir copia á Administración do Estado e á Comunidade Autónoma, aos efectos legalmente establecidos.

Quinto.- Notificar o presente acordo a todos os interesados, dando traslado, xunto coa notificación, dos informes de intervención e do ditame da comisión informativa Permanente de Facenda, Persoal, Reforma Administrativa e Especial de Contas do 10 de xuño de 2010, a efectos de motivación do acordo de estimación/desestimación das catro alegacións presentadas.

Sexto.- Facultar ao señor alcalde presidente don Carlos Antonio Fernández Castro para cantas actuacións de trámite sexan precisas para a mellor execución do acordado.

Intervén para explicación de voto o voceiro do grupo municipal do BNG don **Xosé Manuel Fernández López**, que di: Na miña intervención procurei ser abondoso ao respecto dos argumentos e da posición do BNG nos tres temas. Fago un comentario que non sei se pode servir para outras veces: este modelo de votación de ditame único sobre tres temas que permiten diferentes posicionamentos, dalgunha maneira obríganos a entrar en contradicións ou a absternos. Obríganos a entrar en contradicións porque pode haber aspectos do ditame que un comparta e outros non. Como na intervención expliquei todos os razoamentos sobre os tres puntos considero aclarada a postura do meu grupo municipal, hai aspectos que nuns casos apoiaríamos e noutros que non, por exemplo o tema de acción social parécenos ben, outros non nos parecen tanto. Que se teña en conta para futuros anos.

Intervén para explicación de voto o concelleiro do grupo municipal popular don **Ramón García Argibay**, para dicir: Na mesma liña do compañeiro do BNG, dicir que debido ao modelo da votación, nós, coherentemente, como non estamos a favor para nada do orzamento e o criticamos e seguiremos criticando con contundencia, o que si nos parece ben é o acordo ao que se chegou no tema de acción social, por iso quero dar o matiz de diferenciar unhas alegacións doutras e explicar por que votamos en contra do orzamento, sería incoherente totalmente votar si ou absternos cun orzamento co que para nada, de principio a fin, estamos de acordo.

E non habendo mais asuntos de que tratar, o señor alcalde presidente dou por rematado o acto e levantou a sesión ás vinte e dúas horas e quince minutos do día 14 de xuño de 2010, de todo o que eu como secretaria certifico.

Vº Prace

A secretaria

O alcalde